

Morning Regional Dogri News Bulletin 19 Sept.. 2025

मार्निंग डोगरी न्यूज़ बुलेटिन,

समा. 09.20 Hrs

<><><><><><>

Headlines

1. मुखमन्त्री उमर अब्दुल्ला होंरें आकखेया जे सैलानी थाहरें गी परतियें खोलने सरबन्धी मामले गी गृहमन्त्री हुंदे कन्नै पुट्टेया जाग।
2. शिक्षा मन्त्री स्कीना इत्तू होंरें आकखेया जे जम्मू-कश्मीर च सारे इम्तेहान समें-सिर होगन।
3. जम्मू दे डिविजनल कमीशनर होंरें हवा दी गुणवत्ता सरबन्धी कार्य-योजना दा जायजा लैता। उनें जम्मू च सरबन्धी परियोजनाएं गी सेई, समें-सिर ते म्यारी ढंगै सिर मुकम्मल करने लेई गलाया।
4. जम्मू-कश्मीर च उद्यमिता गी बढ़ावा देने लेई CSIR –IIM जम्मू दे Business Incubator गी भारत Incubator सम्मान 2025 कन्नै नवाजेया गया।
5. जम्मू-श्रीनगर राष्ट्रीय जरनैली सिड़क पर अज्ज श्रीनगर थां जम्मू आहली भेठा लौहकी गड़्डियें गी औने दी इजाजत दिती गेई ऐ।

<><><><><><>

CM Taak

मुखमन्त्री उमर अब्दुल्ला होंरें एह आश्वासन दिता ऐ जे ओह कश्मीर च बंद किते गेदे सैलसफा आहले थहारें गी परतियें खोलने आस्तै केन्द्रीय मन्त्री अमित शाह हुंदे कन्नै गल्ल करगन। उमर अब्दुल्ला होर गुलमर्ग च होआ रदी सालाना जनरल बैठक यानी (AGM) च

कश्मीर दे ट्रैवल एजेंटे दे गठबंधन कन्नै गल्लबात करा रदे हे। उन्नै आक्खेया जे मुख-मुख थहार जियां आढू, बेताब वैली नै इग दे बंद होने दी वजह कन्नै सैलसफा दी वजह कन्नै सैलसफा दे जतनै उप्पर बड़ा मता असर पवा रदा ऐ। उन्नै सैलसफा दी धारणाएं गी बेहतर करने ते सैलानिये दी आओ-जाई गी बढ़ावा देने आस्तै केन्द्र कन्नै तालमेल करने दी लोड़ उप्पर जोर भरेया ते मेद जाहर कीती जेह पतझड़ ते स्यालै दे मौसम च सैलसफा च भरपाई होई जा, जेदे कन्नो-कन्नी उन्नै बसंत ऋतु च सैलानिये आस्तै तयारियां पैहले गै शुरु करने आस्तै आक्खेया।

<><><><><><>

CM Water Schemes (Byte)

मुख्यमंत्री उमर अब्दुल्ला होरें 5 लक्ख पानी दी सप्लाई सरबन्धी अभियानें दा टंगमर्ग च उदघाटन किता। इन्नै अभियानें दा मुल 35 करोड़ 67 लक्ख रपे ऐ ते ए अभियान 40 बस्तिये च 32 हजार थमां मते लोके गी लाह पुजाग। जल-जीवन मिशन ते तैहत इन्नै अभियानें दे तैहत लोके गी अज्जै-कल्लै दे स्हाबै पानी गी साफ करने आहले सयंत्रे कन्नै पानी गी साफ करिये लोके तगर पुजाया जाग। इक लोक बैठक दा सम्बोधन करदे होई मुख्यमंत्री होरें गलाया जे साफ पानी दी पुज्ज लोके दा अधिकार ए कोई ऐहसान नैई ऐ। उन्नै जल शक्ति दे इंजीनियरे दी हाल च आए दे हाड़े दे बावजदू बी इन्नै परियोजनाएं गी पूरा करने ते गुलमर्ग ते टंगमर्ग च सार्वजनिक विकास आनने दे जतन करने लेई उन्दी सराहना कीती। इस मौके गल्ल करदे होई उमर अब्दुल्ला होरें आक्खेया.....(बाईट)

<><><><><><>

Itoo Education (Byte)

जम्मू-कश्मीर दी शिक्षा मंत्री स्कीना इतू होरें ए पुष्ठी कीती ऐ जे इत्थु दी सब्भनैं परिक्षां, शैक्षणिक कैलेंडरें दे मुताबक गै होगन। उ'नैं आखेया जे शिक्षा सरबन्धी नुक्सान गी पूरा किया किता जाई सकै, एदे उप्पर सरकारें सरबन्धी धड़े थमां सलाह मंगा रदी ऐ। पत्रकारें गी सम्बोधित करदे होई उ'नैं एह गल्ल आखी जे विद्यार्थियें गी लू जनेआ स्थिति ते हाल च आई दी हाड़ जनेई हालातें च बड़ी मुश्कलें दा सामना करना पेया ऐ ते दौनों क्षेत्रें दे स्कूल बी कुदरती आपदा दी वजह कन्नै काफी चिर बंद रेह न। हालांकि उ'नैं एह आश्वासन दिता ऐ जे इनें चुनौतियें दे बावजूद परिक्षाएं च चिर नैई होग। मीडिया कर्मियें कन्नै गल्ल करदे होई उ'नैं आखेया.....(बाईट)

<><><><><><>

Sewa Parv (Byte)

“सेवा ते सुशासन” दे मंत्र कन्नै प्रेरित होइयै सरकार प्रधानमंत्री नरेन्द्र मोदी हुंदी अगुआई च बदलाव ते प्रगति लेई दिन-रात कम्म करा रदी ऐ। अज्ज “सेवा पर्व” दी विशेष श्रृंखला च अस तुसेंगी दस्सगे जेह मोदी सरकार नै कियां मुख्य भरै च महिला सशक्तिकरण गी मजबूत किता। खीरी 11 बरें थमां औंदे गेदे अभियानें जिंदे च “बेटी बचाओ, बेटी पढ़ाओ” शामिल ऐ। एदी वजह कन्नै लिंग-अनुपात 918 थमां बधियै 930 पुज्जी गया ऐ। “सुकन्या समृद्धी” योजना ते “लक्खपति दीदी” अभियानें कन्नै महिलायें दी आर्थिक ते सामाजिक स्थिति च सुधार आया ऐ। प्रधानमंत्री मोदी होरें हरियाणा च “बीमा सखी योजना” गी बी लांच किता, जेदे कन्नै महिलायें दी सुरक्षा ते वित्तीय समावेशन च सुधार होआ। जम्मू-कश्मीर च शबनम कादिर जनेई महिलायें अपनी जिन्दगी च स्वयं सेवा समुदायें दी मदाद

कन्नै सुधार आंदा ऐ। इस बारे गल्ल करदे होई शबनम कादिर होरें
आक्खेया.....(बाईट)

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश “सेवा पर्व-2025” उत्सव जेदी शुरुआत 15 सितम्बर थमां किती गई ही, इस सरबंधे च 30एं मिनटें दा कार्यक्रम करोआने जा रदा ऐ। इस कार्यक्रम दा विशे ऐ “खेड्ड जम्मू-कश्मीर दी पंछान”। ए विशेष प्रसारण शनिवार यानि 20 सितम्बर गी दपैहरी 12:30 बजे प्रसारिक कीता जाग। एहदे च साढ़ियां खास मेहमान होगंन श्रीमति अनुराधा गुप्ता जेड़ियां जम्मू-श्रीनगर युवा सेवा ते खेड्ड विभाग दियां महानिदेशक न ते इस कार्यक्रम दा संचालन करगंन साढ़े एंकर विजय बजाज ते आलम खान। इस परिचर्चा गी ते इयै जनेहा होर कार्यक्रम सुनने आस्तै जुड़े रवौ आकाशवाणी खबरें कन्नै मिडियम वैब 303 मीटर यानि 990 किलोहर्टस ते FM 100.3 मैगाहर्टस उप्पर।

<><><><><><>

Div. Com NCAP

जम्मू दे डिविजनल कमीशनर रमेश कुमार होरें जम्मू च हवा दी गुणवत्ता गी बेहतर करने ते स्वच्छ हवा सरबंधी राष्ट्रीय कार्यक्रम दी अमलावरी सरबंधी कार्य-योजना दी प्रगति दा जायजा लैता। डिव.कॉम होरें गी सैक्टर स्हाबै जत्नें ते कार्य-योजना दी जानकारी दिती गई। इस दौरान जिनें महत्वपूर्ण पैहलुएं पर ध्यान दिते गया, उन्दे च सिड़कें कड़्डे धूल पर काबू, सैलतन बढ़ाना, मशीनें कन्नै सिड़क दी सफाई, ट्रैफिक गलियारें गी हरा-भरा बनाना ते ट्रैफिक प्रबंधन गी बेहतर करना शामिल ऐ। उनें सरबंधी अधिकारियें गी हिदायत कीती जे

ओह सारे प्रोजैक्टें दी अमलावरी आहले जत्नें गी तेज करन ते मुखकरी ध्यान कम्मै दे म्यार ते उसी समें-सिर पूरा करने पर देन।

<><><><><><>

CSIR Award

CSIR-IIIM दे टैक्नॉलोजी Business Incubator गी नमीं दिल्ली च आयोजित चौथे भारत उद्यमिता सम्मेलन च “Bharat Incubator अवार्ड-2025” कन्नै सम्मानित कीता गया। एह सम्मान उनें Incubator गी दिता जंदा ऐ जेड़े इस क्षेत्र च टकोदा कम्म करा रदे न। एह सम्मान राष्ट्रीय स्तह दा सम्मान ऐ। जम्मू-कश्मीर च नवाचार गी बढ़ावा देने, स्टार्ट-अप गी समर्थन देने ते उद्यमिता गी बढ़ावा देने लेई एह सम्मान दिता गया ऐ। इस सम्मान कन्नै जम्मू-कश्मीर च बददे स्टार्ट-अप सरबन्धी सरिस्ते ते होर इदारे जेड़े नमियें काहड़ें गी बढ़ावा देया रदे न ते ओह लोक जेड़े खिते च आर्थिक विकास गी बढ़ावा देने लेई लग्गे दे न उन्दे जत्नें दा पता लग्गदा ऐ।

<><><><><><>

GST Reforms (Byte)

सरकार आसेया हाल च नमीं पीढ़ी दे GST सुधार लागू करने दी घोषणा कीती गई। इनें सुधारें दा जम्मू-कश्मीर च हर वर्ग आसेया सुआगत कीता गया ते इन्दे कन्नै आम लोकें गी खासी राहत होग। GST परिषद नै दो पहिया ते लौहकी गड़्डियें गी 28 फीसद दी स्लैब थवां कड़्डियें 18 फीसद दी स्लैब च पाया ऐ, जेदे कन्नै इंदी कीमतें च कमी होग ते मध्यम वर्ग दे लोकें गी राहत हासल होग। इस गेढ़ कन्नै मेद ऐ जे ऑटो सैक्टर गी बढ़ावा थहोग ते उत्पादन, बिक्री ते सेवा आहले क्षेत्र च रोजगार पैदा होग। नमें सिरेया तय कीती गेदियां दरां

औंदे सोमवारें थवां लागू होई जागंन। इस गें दा सोआगत करदे होई लोकें दा आखना
ऐ.....(बाईट)

<><><><><><>

Traffic

ट्रैफिक नियमें दे मुताबक जम्मू-श्रीनगर राष्ट्र जरनैली सिड़क उप्पर अज्ज श्रीनगर थमां
जम्मू लेई लौहकियें गड्डियें आस्तै इक्क तरफा ट्रैफिक खोली गेई ऐ। तोंआई जम्मू थमां
श्रीनगर लेई इनें गड्डियें गी नेंई जान दिता जाग, जेड़ी बी गड्डियां श्रीनगर आसेया
आवारदियां न उनेंगी बड्डलै 7 थमां लेइयै 10 बजे तोड़ी गै कांजीकुंड च नवयुग सुरंग गी
पार करना होग। ड्रैवरें गी इनें समें ते ट्रैफिक दिशा-निर्देशें दा पालन करने आस्तै आग्रह
किता जंदा ऐ तां जे ट्रैफिक सरबंधी कुसै बी परेशानी दा सामना नेंई करवा पवै।

<><><><><><>